

Jòrgi Gibelin

L'Esquiròu

que aimava tròp son trauc...



C.I.E.L. d'Oc

Centre International de l'Écrit en Langue d'Oc


3 Place Joffre, 13130 Berre L'Étang

<http://www.lpl.univ-aix.fr/ciel/>

L'Esquiròu

que aimava tròp son trauc...

Dins l'ubac d'una bèla còla que a doas cimas rondas coma una esquina de cameu, i aviá une seuva fresca.



Quora lo soleu d'avost rabina lei prats dau

vilatge, fendascla la terra dei camps e agota lei fònts, dins aquela forèt, l'aire demorava fresc e suau, lei flors s'espompiassian e embaussemavan. Aquí, creisson afrescolidas, d'escabiosas ròsas, de margaridas tant largas coma d'escuts de cinc francs, e, pus

